

**BO TABATA SA KU BO POR HASI DEKLARASHON DI ENTRADA RIBA BENTA ONLINE TAMBE?
BAI RIBA ONLINE PORTAAL; [HTTPS://ONLINE. BELASTINGDIENST.CW](https://online.belastingdienst.cw)**

Splikashon riba e formulario di deklarashon di impuesto riba benta

Aki bo ta risibi e formulario di deklarashon pa kumpli ku pago di impuesto riba benta. Bo mester yena e formulario aki mensual i entregá mas tarda pa e fecha menshoná riba dje. Bo por entregá e formulario aki na Servisio di Impuesto (loket 9: sekshon di impuesto riba benta), na Ontvanger o na Girobank. Pa mas tarda e fecha riba e formulario e impuesto tambe mester ta pagá.

Den kaso ku bo keda sin entregá e formulario na tempu i/o bo no paga, no paga komplemento o no paga na tempu, lo bo haña un multa.

Kon pa yena e formulario?

E formulario ta konsistí di dos parti: A e parti pa deklará e impuesto ku mester paga i B e parti di derechi di deskuento (Aftrekrecht). Pa kada parti lo duna un splikashon aki bou kon pa yena e formulario.

Parti A: Impuesto ku mester paga

Parti A ta konsistí di 6 sekshon i kada sekshon ta repartí den tres kolumna: *Benta, tarifá i impuesto*.

Den kolumna di *benta* mester yena e montante di benta sin e impuesto di benta ku a kobra e klientenan riba nan kompra. E kolumna di *tarifá* ta menshoná e tarifá ku ta pertenesé na e rubrika korespondiente. Den e último kolumna, impuesto, mester menshoná e impuesto ku tin ku paga. E montante aki mester kuadra ku e montante di e rubriká *benta*, multipliká ku e *tarifá* konserní.

1. Mayoría prestashon tin ku paga 6% di impuesto riba benta. Mester menshoná den e rubrika di *entrega/servisio ku ta paga 6%* e benta risibí riba e prestashonnan aki i e impuesto ku mester paga.
2. Pa seguro (di daño) ta konta un tarifa diferente di 7%. Mester menshoná benta risibí dor di kompanianan di seguro ku bendementu di seguro i e impuesto ku tin ku paga den e rubrika *entrega/servisio 7%*. Entrante 1 yanüari 2016 mester paga impuesto riba benta na fasilitashon di hospedahe den hotel, apartamentu o kualkier otro lokalidat. Pa esaki ta konta tarifá di 7%.
3. Algun produkto di luho i/o prestashonnan insaludabel tin ku paga 9% di impuesto riba benta. Mester menshoná e benta risibí riba e prestashonnan aki i e impuesto ku tin ku paga den e rubriká di *entrega/servisio*.
4. Nos ta papia di "*verlegde diensten*" den kaso ku un kompania establese pafo di Kòrsou presta servisio na abo. Bo mes mester paga e impuesto riba benta. Den e kolumna di kompensashon bo mester menshoná e montante ku e kompania den eksterior a kobrado. Pa monedanan ekstranhero bo mester kalkulá nan na florin. Na *impuesto* mester menshoná e impuesto ku tin ku paga riba e prestashonnan aki, usando e *tarifa* konserní di 6%, 7% o 9%.
5. *Entrega/Servisio eksonerá* ta prestashonnan ku no ta rekarga ku impuesto riba benta. E prestashonnan aki ta menshoná den e ley di Impuesto riba benta di aña 1999. Mester menshoná e benta risibí ku e prestashonnan aki riba e formulario di deklarashon.
6. Por hasi uso di e rubriká di *RKO* ora ku bo ta disponé di e *disposishon di RKO* risibí serka Inspektor di impuesto. E benta te na Naf 30.000,= mester ta menshoná den e rubriká aki. Si e benta di aña ta mas ku Naf 30.000,=, mester menshoná esaki den e rubrikanan konserní.

Sekshon B: derechi di dedukshon (aftrekrecht)

E impuesto ku a paga na momentu di importashon di merkansia pa rebendé i e impuesto ku bo a paga komo un fabrikante di eksportashon riba merkansia ku ta usa materia prima, material di empake ets. bo por dedusí for di impuesto ku mester paga. Bo por dedusí e impuesto solamente si bo ta disponé di un disposishon di *derechi di dedukshon* di Inspektor di Impuesto. Mester menshoná e number di e disposishon riba e formulario di deklarashon.

Saldo pa deskontá/pa paga

Bo a menshoná e montante di impuesto ku mester paga den parti A na *total A*. Den kaso ku bo no por hasi uso di e derechi di dedukshon esaki ta bira alabes e total ku bo tin ku paga na impuesto riba benta. Den kaso ku bo ta disponé di e disposishon di derechi di dedukshon i bo por hasi uso di e derechi aki, bo ta menshoná e montante aki den e parti B patras di e number di disposishon. E saldo di e montante di *total A* i e montante di parti B ta e impuesto ku mester paga. E eventual montante negativo bo por dedusí den un otro periodo di pago.

Bo mag di hasi e suma será na bo kumbinensia

Firmamentu di formulario

Mester firma e formulario despues di a kaba di yené. Mester menshoná luga, fecha, nòmber i number di telefòn na e luganan indiká. Por último bo ta pone bo firma riba e formulario. Awor bo por entregá e formulario.